

SENARIOS CEISIADAU MEDDYGOL A DEINTYDDOL TRWY SYSTEM BOSS

Ymha flwyddyn yn ystod fy nghwrs Meddygol neu Ddeintyddol y galla i wneud cais am fwrsariaeth gan GIG Cymru?

Os ydych chi'n fyfyrwr meddygol neu ddeintyddol sy'n byw yng Nghymru, dylech chi wneud cais i Wasanaethau Dyfarniadau Myfyrwyr yn y flwyddyn y mae disgwyl ichi gael eich ariannu gan GIG Cymru. Ddylech chi ddim gwneud cais inni ar ddechrau'ch cwrs.

Bydd y flwyddyn/blynyddoedd y bydd modd inni ei chyllido / eu cyllido yn dibynnu ar eich cwrs a'ch amgylchiadau, ond defnyddiwch yr arweiniad isod.

Cwrs cyn cofrestru pum mlynedd neu fwy

Fel arfer, bydd modd i fyfyrwyr meddygol / deintyddol wneud cais am gyllid gan GIG Cymru o'u pumed flwyddyn ymlaen. Nid yw'r flwyddyn rydych chi'n astudio ynddi ar eich rhaglen feddygol / deintyddol yn berthnasol yn hynny o beth.

Gall y blynyddoedd a ystyrir yn flynyddoedd 'astudio' gynnwys blwyddyn ryngosod (*intercalation*) os ydych chi'n astudio graddau Baglor neu Feistr, a blwyddyn sylfaen os oedd hyn yn rhan annatod o'ch cwrs. Fodd bynnag, fyddwn ni ddim yn cyfrif unrhyw flynyddoedd a wnaethoch chi ddwywaith. Mae hyn yn golygu y bydd rhaid ichi aros am flwyddyn arall cyn y gallwch wneud cais inni os ydych chi wedi gwneud un o'ch blynyddoedd a ariennir gan y GIG am yr eildro.

Os ydych chi wedi'ch eithrio o flynyddoedd cynharach y radd feddygol / deintyddol israddedig, waeth pa flwyddyn y dechreuodd y cwrs, bydd modd ichi wneud cais i'r GIG am gyllid o bumed flwyddyn y cwrs ymlaen.

Cwrs cyn cofrestru carlam ar gyfer graddedigion sydd ag addysg flaenorol berthnasol

Os ydych chi'n gwneud y cwrs graddedig pedair blynedd carlam, gallwch wneud cais am gyllid gan y GIG o ail flwyddyn y cwrs ymlaen.

Pwy sy'n talu ffioedd dysgu cyrsiau meddygol neu ddeintyddol?

Rydym yn talu cyfraniad tuag at gost eich ffioedd dysgu yn syth i'ch prifysgol / ysgol feddygol neu ddeintyddol ar gyfer y blynyddoedd academiaidd hynny y mae gennych hawl i dderbyn cyllid gan y GIG ar eu cyfer.

Dylech ddangos eich Hysbysiad o Ddyfarniad i'r Brifysgol i brofi'ch hawl i dderbyn y cyfraniad hwn. Ar ôl gwneud hynny bydd modd i'r brifysgol anfon anfoneb atom. Er mwyn bod â hawl, mae'n rhaid eich bod yn mynychu'r cwrs hyd at, ac yn cynnwys, y cyntaf o Ragfyr yn ystod y flwyddyn academiaidd berthnasol, felly fyddwn ni ddim yn derbyn unrhyw anfonebau a ddaw i law cyn hyn.

Fydddech chi'n ariannu blwyddyn ryngosod i fyfyrwyr Meddygol / Deintyddol?

Israddedigion meddygol neu ddeintyddol

Os ydych chi wedi cymryd blwyddyn ryngosod er mwyn gwneud cwrs Baglor neu Feistr (ond nid doethuriaeth), mae'n bosibl y bydd gennych hawl i dderbyn Bwrsariaeth gan y GIG o'ch pumed flwyddyn astudio ymlaen, waeth pryd y bydd y flwyddyn ryngosod yn dechrau.

Enghreifftiau

Blwyddyn 1 cwrs meddygol â chyllid gan y Cwmni Benthyciadau Myfyrwyr
Blwyddyn 2 cwrs meddygol â chyllid gan y Cwmni Benthyciadau Myfyrwyr
Blwyddyn 3 cwrs meddygol â chyllid gan y Cwmni Benthyciadau Myfyrwyr

Blwyddyn 4 cwrs meddygol â chyllid gan y Cwmni Benthyciadau Myfyrwyr
Blwyddyn 5 yn cwblhau blwyddyn ryngosod â chyllid gan y GIG
Blwyddyn 6 cwrs meddygol â chyllid gan y GIG

Blwyddyn 1 cwrs meddygol â chyllid gan y Cwmni Benthyciadau Myfyrwyr
Blwyddyn 2 cwrs meddygol â chyllid gan y Cwmni Benthyciadau Myfyrwyr
Blwyddyn 3 yn cwblhau blwyddyn ryngosod â chyllid gan y Cwmni Benthyciadau Myfyrwyr
Blwyddyn 4 cwrs meddygol â chyllid gan y Cwmni Benthyciadau Myfyrwyr
Blwyddyn 5 cwrs meddygol â chyllid gan y GIG
Blwyddyn 6 cwrs meddygol â chyllid gan y GIG

Mynediad i raddedigion Myfyrwyr Meddygol neu Ddeintyddol

Mae'n bosibl y bydd hawl gennych i dderbyn Bwrsariaeth gan y GIG o'ch ail flwyddyn astudio ymlaen, waeth pryd y bydd eich blwyddyn ryngosod yn digwydd.

Enghraifft

Blwyddyn 1 cwrs meddygol â chyllid gan y Cwmni Benthyciadau Myfyrwyr
Blwyddyn 2 cwrs meddygol â chyllid gan y GIG
Blwyddyn 3 cwrs meddygol â chyllid gan y GIG
Blwyddyn 4 yn cwblhau blwyddyn ryngosod â chyllid gan y GIG
Blwyddyn 5 cwrs meddygol â chyllid gan y GIG

Os cymerwch chi flwyddyn ryngosod er mwyn cwblhau cwrs 2 flynedd neu 3 blynedd ar lefel doethuriaeth, fydd dim hawl gennych i dderbyn Bwrsariaeth gan y GIG yn ystod y cyfnod hwn. Fodd bynnag, mae'n bosibl y bydd hawl gennych i dderbyn cyllid gan y GIG ar gyfer mwy nag un flwyddyn ryngosod.

Oes gennych i hawl i dderbyn y Lwfans Wythnosau Ychwanegol yn ystod fy mlwyddyn ryngosod wrth gwblhau fy nghwrs Meddygol / Deintyddol?

Oes, os yw'ch blwyddyn ryngosod yn cynnwys mwy na 30 wythnos gymwys o astudio, mae'n bosibl y bydd gennych hawl i'r Lwfans Wythnosau Ychwanegol. Bydd rhaid i'r Brifysgol lle rydych chi'n astudio yn ystod eich blwyddyn ryngosod ein hysbysu o'ch dyddiadau tymor. Unwaith y byddwn wedi derbyn a phrosesu'ch dyddiadau tymor, byddwn yn ychwanegu'r taliadau Lwfans Wythnosau Ychwanegol sydd wedi eu dyfarnu ichi.

Sut ydw i'n mynd ati i ddewis fy manylion cwrs ar BOSS os ydw i'n gwneud cais am flwyddyn ryngosod yn rhan o gwrs meddygol neu ddeintyddol?

Os ydych chi'n gwneud cais am eich bwrsariaeth ar gyfer blwyddyn y byddwch yn cymryd blwyddyn ryngosod ynddi, dewiswch deitl y cwrs sy'n cynnwys '*intercalation*'.

Enghraifft

Medical (Intercalation) – 12 months

Os ydych chi wedi dewis cwrs sy'n cynnwys blwyddyn ryngosod, bydd modd ichi ddewis '*intercalation*' fel cwrs o'r gwymplen.

Os byddwch yn cymryd eich blwyddyn ryngosod mewn prifysgol wahanol, dewiswch y brifysgol lle byddwch yn astudio ar gyfer y flwyddyn ryngosod honno ac wedyn, ar ôl dychwelyd i'ch prif brifysgol ar gyfer y flwyddyn olaf, dewiswch eich prif brifysgol ar gyfer eich blwyddyn olaf o astudio er mwyn dod â'r broses i ben.

Wrth ddewis cwrs meddygol / deintyddol ar BOSS, darllenwch y nodiadau cymorth a fydd yn

ymddangos ar y dudalen am fanylion y cwrs ar y cais BOSS.

Fydd gennyf i hawl i gyllid os byddaf yn gwneud rhan o fy nghwrs Meddygol / Deintyddol am yr eildro?

Gallwch chi ond gwneud cais am ragor o gyllid, gan gynnwys ffioedd dysgu, os ydych chi'n ail-wneud un o'r blynyddoedd sy'n cael eu cyllido gan y GIG.

Er enghraifft, pe baech chi'n methu'ch pedwaredd flwyddyn wrth gwblhau cwrs meddygol / deintyddol pum mlynedd, fyddwn ni ddim yn ystyried rhoi cyllid ichi gan y byddech chi'n n ail-wneud blwyddyn na chaiff ei chyllido gan y GIG. Fydd blynyddoedd astudio rydych chi wedi eu gwneud am yr eildro cyn bod hawl gennych i wneud cais am fwsariaeth ddim yn cyfrif tuag at y bumed flwyddyn astudio ofynnol.

Mae'r un rheolau'n berthnasol yn achos y rhaglen fynediad bedair blynedd, lle na fyddai modd inni ddarparu cyllid pe baech chi'n ail-wneud blwyddyn 1.

Os ydych chi'n ail-wneud blwyddyn sy'n cael ei chyllido gan y GIG, mae'n bosibl y cewch eich ystyried am ragor o gyllid os oes amgylchiadau eithriadol. Mae angen tystiolaeth ddogfennol i gefnogi unrhyw hawliad, ac mae'n rhaid i'ch prifysgol ei gefnogi a'i gyflwyno. Os caiff ei gymeradwyo, gellir dyfarnu uchafswm o 12 mis o gyllid ychwanegol gan y GIG trwy gydol y cwrs. Os na chaiff ei gymeradwyo, byddai rhaid ichi ariannu'ch hun.

Mae'n bosibl y cewch fwsariaeth gan y GIG i ail-wneud blynyddoedd astudio unwaith bod hawl gennych i wneud cais am fwsariaeth, ond dim ond unwaith y bydd modd ichi ail-wneud blwyddyn a ariennir gan fwsariaeth. Os bydd rhaid ichi gwblhau rhan o'ch astudiaethau eto y tu hwnt i'r uchafswm o 12 mis, mae'n rhaid ichi ariannu'ch hun.

I gael eich ystyried am estyniad / rhagor o gyfraniadau at ffioedd dysgu, mae'n rhaid i ddyddiadau'ch cwrs gynnwys y 1af o Ragfyr yn y flwyddyn academaidd berthnasol.